

廣德府志卷之十一

武進徐景曾輯

人物^上

國經載邢州土厚泉甘人物產於其間者多實少浮誠哉是
言也自漢迄今蔚然爭奇者概不乏人類能敦氣節重名義
不得概以古稱慷慨悲歌者目之竊思君子不器固非可一
節取卽次之狷介自守不苟附和其生平行事亦彼此不相
掩舊志門類多混獨於人物不加區分頗爲得體因卽仍其
舊云誌人物

周

程本字子華博學通墳典諸書有卓異之行性閎爽善持論
不苟容於諸侯聚徒講學趙簡子欲仕諸朝而不能致去
之齊遇孔子於郊傾蓋而語甚悅顧子路取束帛贈之曰
天下賢士

按內邱志鄉賢載周程本漢馮唐考程子傾蓋事見孔
子家語或以爲河南嵩縣人今內邱有程本墓明崔數
仞作傳謂自襄子時東遷於邢亦當在本之子孫時矣
其說不知何據宋由細考母寧過而存之漢書馮唐傳
祖父趙人父徙代漢興徙安陵漢地理志右扶風有安
陵高帝改秦之廢邱也後漢郡國志改槐里卽今西安

之興平縣馮唐之非中郎人明甚縣志又誤將袁盎撤
慎夫人座事擴入尤爲可詫因削之

漢

路溫舒鉅鹿人父爲里監門使溫舒牧羊取澤中蒲編寫書
稍習善爲獄吏學律令縣中事皆決焉後舉孝廉爲山邑
丞宣帝初上尙德緩刑書上善之累遷臨淮太守治有異
績卒於官溫舒知歷數謂漢厄三七之間上章豫戒後果
如其言

耿純鉅鹿人王莽時爲納言士莽敗更始立李軼用事軼奇
之拜騎都尉令安集趙魏會世祖渡河至邯鄲純謁世祖

川行月三
深接之退見官屬兵法不與他同遂求結納王郎反純與
昆弟率族宗賓客二千餘人迎世祖於育拜純爲前將軍
封耿鄉侯世祖卽位封高陽侯後又拜爲東郡太守卒諡
曰威侯

張禹襄國人父爲汲令卒汲吏民賻數百萬一無所受又以
田宅讓伯父明帝八年舉孝廉後建中初拜楊州刺史嘗
過江行部中土人皆以有子胥之神難於濟涉將渡更固
請禹厲聲曰子胥如有靈知吾志在理冤枉豈危我哉遂
渡歷行郡邑親錄囚徒多所平反轉兖州刺史以清平稱
三年遷下邳相徐縣北界有蒲陽陂多良田因遷廢莫修

禹爲引水灌溉鄰郡貧賁歸之如市後戚壘至千餘頃入
爲大司農遷太傅錄尚書事永初元年以定策功封安鄉
侯食邑二千二百戶卒於家

時苗鉅鹿人建安中爲壽春令初之官用牛牽車至縣歲餘
生一犢及去留之謂父老曰是爾土所生也初來無此不
可以歸當時重之

侯苞鉅鹿人少肆力於學壯遊四方聞楊雄博覽經史往從
之授以太玄法言苞得其旨

張貌字邵虎鉅鹿人祖泰有名於魏父邈字叔遠遼東太守
貌自幼好學爲人宏深有遠識恢恢然使求之者莫之能

測也

韓伯高鉅鹿人少好學問淮揚薛漢世習韓詩往師事之薛教授數百人惟伯高與會稽澹臺敬伯知名當世

劉植鉅鹿人從光武恢復有大功封昌城侯圖像雲臺

孟敏鉅鹿人性剛直有剖決才不仕嘗客太原荷甕墮地不顧而去郭泰見而問之敏曰甕已破矣視之何益泰奇之因勸進學卒以成德

張翊字子明鉅鹿人黨漢魏間徵辟皆不就遠遁恒山門徒數百人遷居任縣魏明帝時張掖郡有寶石負圖太史奏以爲有魏之禎或以問翊翊曰神以知來不追已在此石

當今之異將來之頑也

五歲卒

孫居直字德成鉅鹿人少剛介郭林宗母卒往弔之適林宗
里中有惡少亦往弔林宗納而不拒居直見之卽回林宗
追及之曰昔者孔子不拒互鄉童子予焉敢追其旣往居
直徑去其剛介如此

魏攀鉅鹿人知人好士名盛一時聞高邑睦夸少有大度耽
好書傳高尚不仕膏情邱壑夸乃以女妻之情同朋好未
嘗稱翁婿之禮夸亦作朋友論以荅之辭義爲時所稱

李孚字子憲鉅鹿人袁尚領冀州以孚爲主簿尚與其兄譚

爭鬪出軍平原會魏武圍鄴議遣人入鄴使知外動止乎
請自往鄴圍甚堅乎止選三人從得以計入尋復以計出
尙被破走遂詣譚爲主簿譚死詣魏武稍遷至司隸校尉
年七十餘精識無衰而術畧無損於故終陽平太守

田豐字元皓鉅鹿人爲袁紹別駕勸紹迎天子紹不納後敗
於官渡紹軍皆曰田豐在不至是也紹謂不用豐言果爲
所笑殺之

晉後趙

張賓字孟孫中邱人少好學博涉經史闡達有大節嘗自謂
昆弟曰吾智寡矣後子房但不遇前帝耳爲中邱王帳下

都督非其好也後從石勒每進諫勸之引爲主簿無遺策勒甚重之每朝常爲之正容貌簡辭令呼曰右侯而不名及卒勒親臨哭曰天不欲成吾事邪何奪吾右侯之早也贈散騎常侍右光祿大夫儀同三司諡曰景

南北朝

陳元康字長猷廣宗人也機敏有幹畧魏普泰中爲司徒高昂記室神武嘗謂季式曰司徒嘗道一人謹密是誰式以元康對召見授大丞相功曹內掌機密善陳事意不爲華藻神武甚親之神武之代劉蠡升天寒雪深使人舉蠶元康於氊下作軍書颯颯運筆筆不及凍俄頃數紙神武疾

篤謂文襄曰芒山之戰不用元康言方貽汝患事皆當與
元康定也神武崩文襄嗣事令元康預作教條二十紙以
次行之封昌國縣公文襄將授魏禪難作元康與賊爭被
刺而終時年四十三秘文襄凶問殯元康於宮中託以出
使南境虛除中書令乃贈司空諡文穆子善藏溫雅有鑒
裁位給事黃門侍郎隋尚書禮部侍郎二弟謚官至大鴻
臚季璩鉅鹿太守轉美州別駕平秦王歸彥反季璩守節
不從遇害贈衛尉卿趙州刺史

按舊志陳元康誤八三國曹魏時人考南北史改正

北魏

潘永基字紹業廣宗人性通率輕財好施爲冀州鎮東府法曹行叅軍遷威烈將軍楊州曲陽戍主轉西碭石戍王治陳留南梁二郡頗有威惠轉楊州車騎主簿累遷虎賁郎將直寢前將軍永安二年除潁川太守時蕭衍將曹世宗馬洪武率衆來寇永基出討破之永熙中爲征東將軍金紫光祿大夫遷車騎將軍左光祿大夫尋加衛大將軍復除東徐州刺史前後在州爲吏民所樂代還京師元象初卒年五十六贈散騎常侍都督冀瀛深三州諸軍事驃騎大將軍尙書右僕射司徒公冀州刺史

游雅字伯度任人少有奇才世祖時與高允俱知名徵拜中

書博士東宮內侍長累遷太子少傅進爵爲侯後出爲雍州刺史假梁郡公在任廉白甚有惠政

游明根字志廣任人游雅薦之世祖擢爲中書學生性真慎

寡慾綜習經典恭宗監國爲主書高祖踐祚遷都曹主書

賜爵安樂男顯祖初出爲青州刺史改爵新泰侯爲政清

平新民樂附年七十表求致仕高祖優禮年八十一卒世

宗遣使弔祭賻錢十萬絹三百布三百疋贈光祿大夫諡

靖侯生肇祥二子肇字伯始中書學生歷官至尙書右僕

射卒年六十九詔給東園秘器朝服一襲賜帛七百疋肅

宗舉哀於朝堂贈使持節散騎常侍驍騎大將軍儀同三

司謚文貞祥歷官秘書郎襲爵新泰伯封高邑縣開國侯
食邑七百戶卒贈征虜將軍給事黃門幽州刺史謚曰文
貞仲興南嶽人幼端謹早以文任給事出入禁內十餘年轉
冗從僕射猶泰密近爲齊師從駕征新野有功除折衝將
軍屯騎校尉尋破賊除振威將軍世祖卽位遷光祿大夫
領武衛將軍以功封上黨郡開國公食邑二千戶卒贈安
東將軍青州刺史

李印叔栢仁人郡守均之孫建武將軍璨之第三子也舉秀
才著作佐郎歷廣陵王諮議南趙郡太守有政績景明三
年卒謚曰惠弟仲印自中書學生歷公府主簿從事中郎

諫議大夫尚書左丞卒贈鎮遠將軍光州刺史諡曰恭子
弼字延軌位至相州錄事叅軍弼弟子景業初爲蓋寇將
軍齊帥又除員外郎遷尚書郎仍齊帥後贈平北將軍定
州刺史

李元忠柏仁人少有志操以母老多病乃研習醫藥遂善方
伎有疾者咸爲救療家人在鄉舉貸求利元忠每焚契免
債魏李明賊起清河有五百西戍卒還經南趙郡以路梗
共投元忠奉絹千疋元忠唯受一疋殺五羊以食之遣奴
爲導若逢賊但道李元忠遣送如其言賊皆捨還永安初
拜南趙郡太守棄官還家會高祖率衆東出便自程奉迎

乘露車載素琴濁酒以見高祖因進縱橫之策備陳誠款
深見嘉納後歷數州俱有惠愛除驃騎大將軍儀同三司
家事了不關心庭室蕭曠妻衣不曳地卒年六十史稱其
旣享功名終知止足進退之道有可觀焉

李景遺元忠族叔也少雄武有膽力高祖舉義於信都景遺
赴於軍門高祖命與元忠舉兵於西山仍與大軍俱會擒
刺史爾忠羽生以功除龍驤將軍昌平縣公爾朱兆來伐
又力戰有功除使持節大都督左將軍太昌初進爵昌平
郡公加車騎將軍天平初出爲潁州刺史未幾爲前潁太
守元洪威所襲贈侍中殷滄二州軍事大將軍開府殷州

刺史子伽林襲

李愬元忠宗人也形貌魁傑見異於時有大志四十不仕州郡潛居林慮山觀候時變大都督長孫稚召兼帳內統軍安樂王元鑒爲北道大行臺遣使徵愬表授武騎常侍假節別將鎮鄴城及鑒謀逆愬乃去未幾大都督源子邕屯安陽大都督裴衍屯鄴城西討鑒愬仍被徵赴洛除奉軍都尉持節鎮江河擒葛榮賜爵襄國侯及洛京傾覆與幽州刺史劉靈助等同契義舉助敗愬遂入后門高祖建義以書招愬除使持節征南將軍都督相州諸軍事相州刺史

兼尚書西南道行臺當州都督檢出爲南荊州刺史愬